

SA's Leading Past Year

Exam Paper Portal

S T U D Y

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



**SA EXAM
PAPERS**



basic education

Department:
Basic Education
REPUBLIC OF SOUTH AFRICA

**NATIONAL
SENIOR CERTIFICATE**

IBANGA 12


ISIXHOSA ULWIMI LOKUQALA OLONGEZELELWEYO (FAL)

IPHEPHA LESITHATHU (P3)

NOVEMBA 2022

SIKHOKELO SOKUMAKISHA

AMANQAKU: 100



Esi sikhokelo sokumakisha sinamaphepha ali-14.

NP Jaxa

Approved: P.P. Maqhude

08/12/2022

ICANDELO A: ISINCOKO


UMBUZO 1

Imiyalelo yokumakisha


- Kweli candelo umviwa ukhetha isincoko sibe sinye. Xa ekhethe zazibini, makisha esokuqala.
- **QAPHELA:** Umviwa angabhala naluphi udidi lwesincoko ngesihloko asikhethileyo.
- Ubude besincoko bumele ukuba kwisithuba samagama ali-190 ukuya kuma-240.
- Sebenzisa irubriki esisihlomelo A ukumakisha esi sincoko.

1.1	Isihloko:	Ndafunda okuninzi kolo hambo	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Umviwa angabalisa/chaza/camngca ngomnye kule mixholo ilandelayo:</p> <ul style="list-style-type: none"> • Uhambo olunye olwalusingise kwindawo ethile. • Ingaluhambo olunye oluthatha iintsuku. • Uhambo olwalunzima okanye olwalumnandi. • Izinto ezininzi awathi wazifumana kolo hambo nendlela ezimncede ngayo ebomini bakhe. • Anganika imfundiso neengcebiso ngohambo okanye ngezinto azibone kuhambo olo. • Angathetha ngohambo ngokwasemoyeni nangokwezenkolo. <p>[Naziphi izimvo zomviwa ezisemxholweni ziya kwamkeleka.]</p>	

1.2	Isihloko:	Endikuthandayo ngendawo endihlala kuyo	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	<p>Umviwa angabalisa/chaza/camngca ngomnye kule mixholo ilandelayo:</p> <ul style="list-style-type: none"> • Anganika ulwazi oluyimvelaphi/nkcaza ngale ndawo ahlala kuyo. • Akuthandayo ngale ndawo nezizathu zoko. • Angazoba intlalo yale ndawo. • Angakhankanya angakwenza okuhle nendlela yokugcina le ndawo ithandeka. • Angathetha ngezinto azithandayo ngekhaya lakhe. <p>[Naziphi izimvo zomviwa ezisemxholweni ziya kwamkeleka.]</p>	




1.3	Isihloko:	Xa wonke umntu omtsha eMzantsi Afrika enokusebenza ...	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Umviwa angachaza/camngca/xoxela amacala amabini/xoxa ngomnye kule mixholo ilandelayo:</p> <ul style="list-style-type: none"> • Angeza nolwazi ngemvelaphi malunga neemeko zokungasebenzi kwabantu abatsha. • Ukwehla kwezinga lobundlobongela njengesiphumo sokusebenza kwabantu abatsha. • Igalelo lokusebenza kwabantu abatsha kwezoqoqosho eMzantsi Afrika. • Utshintsho kwintlalo yasemakhaya ngenxa yengeniso edalwa kukuba besebenza abantu abatsha. • Intlalo ekhuselekileyo emakhaya nokusingqongileyo. • Ifuthe lengqesho yabantu abatsha kubantwana abasakhulayo. • Ukutshintsha kwesimo solutsha ngokwasengqondweni. • Ukukhula kwamathuba okufunda izakhono ezitsha. <p>[Naziphi izimvo zomviwa ezisemxholweni ziya kwamkeleka.]</p>	
			[50]
1.4	Isihloko:	lilayibhrari ziseluncedo kule mihla	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	<p>Umviwa angabalisa/chaza/camngca/xoxela amacala amabini/xoxa ngomnye kule mixholo ilandelayo:</p> <ul style="list-style-type: none"> • lilayibhrari gabalala neendidi zazo. • Okwenziwayo kwiilayibhrari ngokwahluka kwazo. • Ulwazi noncedo olufumaneka kwiindidi zeelayibhrari. • Ifuthe leelayibhrari eluntwini. • Anganika iingcebiso ngokunokwenziwa ukugcina iilayibhrari zikhuselekile <p>[Naziphi izimvo zomviwa ezisemxholweni ziya kwamkeleka.]</p>	
			[50]



1.5	Isihloko:	Ukutya esikutyo kukwayingozi ezimpilweni zethu	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	<p>Umviwa angabalisa/chaza/camngca/xoxela amacala amabini/xoxa ngomnye kule mixholo ilandelayo:</p> <ul style="list-style-type: none"> • Inkcaza ngokutya endalweni • Ukubaluleka kokutya eluntwini. • Iindidi zokutya nokufumaneka kuzo okuyimpilo • Iindidi zokutya ekukholelwa ukuba kuyingozi nezizathu zoko. • Izifo ezibangelwa luhlobo oluthile lokutya. • Iintlobo zokutya ezithintela izifo. • Anganika isilumkiso neengcebiso ngokutya. <p>[Naziphi izimvo zomviwa ezisemxholweni ziya kwamkeleka.]</p>	
			[50]

1.6	Isihloko:	Umviwa makanike isihloko sesincoko sakhe.	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	<p>Umviwa angabalisa/chaza/camngca/xoxela amacala amabini/xoxa ngomnye kule mixholo ilandelayo.</p> <ul style="list-style-type: none"> • Imvelaphi nenkcaza ngeflegi nekumeleyo • Imisebenzi nentsingiselo yeflegi ngokwasentlaweni. • Anganika ulwazi ngelizwe loMzantsi Afrika kwilizwekazi iAfrika. • Imo-ntlalo yaseMzantsi Afrika. • Anganika intsingiselo yemibala yeflegi. • Ubuthandazwe nokulindeleke kumntu olithandazwe. • Okuhle nokunomtsalane ngoMzantsi Afrika. • Iminqweno anayo ngelizwe lakhe uMzantsi Afrika. <p>[Naziphi izimvo zomviwa ezisemxholweni ziya kwamkeleka.]</p>	
			[50]



1.7	Isihloko:	Umviwa makanike isihloko sesincoko sakhe.	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Umviwa angabalisa/chaza/camngca/xoxela amacala amabini/xoxa ngomnye kule mixholo ilandelayo:</p> <ul style="list-style-type: none"> • Angathetha ngokubaluleka kwemidlalo gabalala. • Angakhankanya iindidi zemidlalo. • Angathetha ngohlobo lomdlalo omnye awuthandayo. • Ukubaluleka kwemidlalo empilweni yabantu. • Angachaphazela umanyano oluziswa yimidlalo. <p>[Naziphi izimvo zomviwa ezisemxholweni ziya kwamkeleka.]</p>	
1.8	Isihloko:	Umviwa makanike isihloko sesincoko sakhe.	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Umviwa angabalisa/chaza/camngca/xoxela amacala amabini/xoxa ngomnye kule mixholo ilandelayo:</p> <ul style="list-style-type: none"> • Amanzi njengeyona nto iphilisayo. • Indima yamanzi endalweni. • Izityalo kwintlalo yethu. • Ukubaluleka kokulondoloza amanzi. • Angawutolika ngokwentsingiselo efihlakeleyo umfanekiso. <p>[Naziphi izimvo zomviwa ezisemxholweni ziya kwamkeleka.]</p>	



IIMPAWU ZESINCOKO

Isincoko esibalisayo sibhalwa kumntu wokuqala okanye owesithathu.

- Masisebenzise ixesha eladlulayo/elidlulileyo/elimiyi.
- Masibonise ulwazi ngesihloko asikhethileyo.
- Abalinganiswa, isimo sentlalo, izizathu zokuhla kwezehlo ukuya kwisiphelo, mazibonakale.
- Iziganeko zichazwe/zibaliswe ngokulandelelana kwazo okanye zicace ezingunobangela wezinye, kungenjalo angasebenzisa izixhobo ezifana nophuphelo okanye ukuqala ngesenzo esingekeli/sokugqibela.
- Sisebenzisa amagama abonisa ixesha afana noo-emva, phambi, ngeli xesha.
- Sisebenzisa intetho yababini/ukuzithethela kwabalinganiswa.
- Ulwimi olusetyenzisiweyo malube lolokudala ifuthe noluchukumisayo kofunda isincoko, lungekrwada phofu.

Isincoko esichazayo sinokubhalwa ngokwexesha elidlulileyo okanye elangoku.


- Sichaza into/umntu/indawo/imeko, njalo njalo.
- Sisebenzisa amagama okudala umfanekiso.
- Sisebenzisa izixhobo zokuchaza ezifana nezichazi, izihlomelo, neziphuhliso ezifana nezifanekisozwi.
- Sisebenzisa imifanekiso-ntelekelelo nezafobe zentetho.
- Sivakalisa iimvakalelo zombhali.

Isincoko esicamngcayo:

- Siveza uvakalelo lombhali ngesigama esibonakalisa amava akhe.
- Siveza uchukumiseko ngomba ekubhalwa ngawo.
- Uvakalelo olungundoqo ludlala indima enkulu.
- Ubukhulu becala esi sincoko siyacamngca. (Sisebenzisa izixhobo zokuchaza nokuzoba imeko ezifana nezichazi, imifanekiso-ntelekelelo, izihlomelo, neziphuhliso ezifana nezifanekisozwi kwakunye nezafobe zentetho).
- Uvakalelo lombhali maluveze ukunyaniseka kunye nokubandakanyeka.

Isincoko esixoxela icala elinye:

- Umviwa uthatha icala ngomba othile.
- Uthotho lweengxoxo-oludla ngokuba kwimo engengcaciso ngeengongoma ezithile.
- Ukubethelela-isishwankathelo nokuphindelela kwinkcazelo engoluvo oluthile lokuvula.
- Kwingxoxo yakhe unika ubungqina obuxhasayo obusenokuba ngamanani okanye ukucaphula kumava anawo ayinyani.
- Usenokuxoxela okuthile echasa enika ubungqina obuxhasayo.
- Isiphelo sisenokuba sisishwankathelo neengebiso.



Kwisincoko esivelela amacala omabini

- Inkcazelo inokuba ngengxoxo ephambili.
- Umviwa uwaphatha omabini amacala engxoxo.
- Uxoxela okuthile enika ubungqina obuxhasayo.
- Unokulandela isakhiwo esithi umhlathi umela uluvo oluvumayo, kolandelayo, luchase, kungenjalo avume ekuqaleni komhlathi aze achase ekupheleni, kodwa makalunike olwakhe uluvo xa evala.
- Unokuxoxela okuthile echasa/evuma enika ubungqina obuyinyani obuxhasayo.
- Isiphelo – ingasisishwankathelo neengcebiso.
- Makabonise ulwazi ngesihloko nangomba axoxa ngawo.

AMANQAKU ECANDELO A: 50



ICANDELO B: UMHLATHI OMDE

Imiyalelo yokumakisha

- Kweli candelo umviwa ukhetha umhlathi ube mnye. Ukuba ukhethe yamibini, makisha owokuqala.
- Ubude bomhlathi omde mabube ngamagama angama-80 ukuya kwi-100 umxholo kuphela.
- Sebenzisa irubriki esisihlomelo B ukumakisha lo mhlathi.

UMBUZO 2

2.1 ILETA YOBUHLOBO

- Idilesi inye yeyomntu obhala ileta.
- Isibuliso – sesifanelekileyo, ileta iya kumama okanye utata.
- Intshayelelo, isiqu nesiphelo mazahluke zicace.
- Ithoni nerejista mazibonakalise ukuba ubhalela umzali wakhe.
- Umxholo mawube malunga nokuthatha ikhefu lonyaka kwizifundo (*Gap year*) nezizathu zoko.
- Kwisiphelo kubhalwa igama kuphela.
- Izingxi azisetyenziswa kwidilesi, isibuliso nesiphelo.

[30]

2.2 ILETA ESESIKWENI


- Idilesi zimbini eyomntu obhalayo nalowo ubhalelwayo.
- Isibuliso – sesisesikweni. Umzekelo, Mhlekazi obekekileyo.
- Umcimbi/umba – xa ubhalwe ngoonobumba abancinci ukrwelelwa umgca.
- Ithoni nerejista mazibonakalise ukuba ubhala ileta esesikweni.
- Umxholo mawube ngowokukhalazela ukungancedwa ngokufanelekileyo.
- Makuvele iingxaki ahlangele nazo evenkileni.
- Isiphelo seseleta esesikweni – igama nefani zibhalwe ngokupheleleyo.
- Ulwimi malube lolusesikweni.

[30]

2.3 INGXELO ENGEKHO SESIKWENI

- Makuvele injongo yokubhalwa kwayo.
- Imiba mayibhalwe ngokweengongoma.
- Makanike iinkcukacha eziphambili ngephulo elilwela ukuhlonitshwa kweenkolo ezahlukelele ezikolweni.
- Ulwimi, ithoni kunye nerejista zezifanele ingxelo engekho sesikweni.
- Kusetyenziswa ingxelo-ntetho.
- Makuvele imiba ekuye kwanyathelwa kuyo, izindululo nesiphelo.
- Izihlokwana zamkelekile.
- Umbhali makasayine abhale nomhla ebhalwe ngayo ingxelo.

[30]



2.4 UDLIWANONDLIBE

- Ingxoxo ibhalwa njengoko isenzeka.
- Makuvele izalathisi zeqonga ukuxela indawo, abathathi nxaxheba kunye nexesha ekuqhutywa ngalo udliwanondlebe.
- Kushiywa umgca phakathi kwezithethi.
- Imibuzo mayicace ingqale kwaye ibuzelwe injongo ezisekelwe ekufezeni iinjongo zokuqhutywa kodliwanondlebe.
- Umxholo mawube ngowotshintsho eza kuza nalo inkokeli.
- Ophendulayo makanike iimpendulo ezingqale kokubuzwayo angawanqi.
- Imibuzo mayibe yengathathi cala kwaye engacaluliyo nangaluphi uhlobo.
- Imibuzo mayibe luhlobo lwemibuzo evulekileyo.
- Impendulo mazibonise ulwazi oluphangaleleyo nolunzulu malunga nesihloko eso, kwaye zinike inkcaza nengcaciso kangangoko.
- Akusetyenziswa zimpawu zocaphulo.
- Bobabini obuzayo nophendulayo bavumelekile ukuthetha kumntu wokuqala.

[30]

AMANQAKU ECANDELO B: 30



ICANDELO C: UMHLATHI OMFUTSHANE

Imiyalelo yokumakisha

- Kweli candelo umviwa ukhetha umhlathi ube mnye, aze athi ukuba ukhetho yamibini, umakisha owokuqala.
- Ubude bomhlathi omfutshane ngama-60 ukuya kuma-80 amagama umxholo kuphela.
- Sebenzisa irubriki esisihlomelo C ukumakisha lo mhlathi.

UMBUZO 3

3.1 IKHADI LESIMEMO

- Masiyilwe ngobuchule sibe nomtsalane.
- Makunikwe ulwazi oluquphayo nolucacileyo.
- Makuvele umhla nexesha.
- Indawo mayivele - idilesi.
- Isinxibo esilindelekileyo masixelwe.
- Umhla wempendulo.
- Makuvele iinkcukacha zomemayo, umzekelo indlela yokunxibelelana – imfonomfono, iselula, ifeksi okanye i-imeyile kunye nedilesi.

[20]

3.2 UNGENISO KWIDAYARI

- Ibhala kumntu wokuqala, kusetyenziswa izakhi oo 'ndi'.
- Mayibe lolweentsuku ezintlanu.
- Umhla nexesha lokubhala libalulekile.
- Umxholo mawube ngekhempu yokuqeqeshwa kweenkokeli nakufunde kuyo.
- Akunyanzelekanga ukuba imihla ibeyelandelelanayo.
- Imizwa neemvakalelo zinokuvakaliswa.
- Umviwa uvumelekile ukuba asebenzise nolwimi olungekho sesikweni.


[20]

3.3 IMIYALELO

- Mayibe malunga nokongiwa kwamanzi lusapho.
- Makuvele iindlela ezahlukileyo zokongiwa kwamanzi.
- Imiyalelo mayicace gca, kusetyenziswe isiyaleli ubukhulu becala.
- Kusetyenziswa imo evumayo ubukhulu becala.

[20]

AMANQAKU ECANDELO C: 20
AMANQAKU EWONKE: 100




QAPHELA:

- Sebenzisa le rubriki rhoqo xa umakisha izincoko zephepha lesi-3, ICANDELO A.
- Amanqaku ukusukela kweli-0 ukuya kwangama-50 ahlulahlulwe ngokwamanqaba amahlanu aphambili.
- Kwikhrayitheriya yoMxholo, uLwimi neSimbo, inqanaba ngalinye kula mahlanu lahlulahlulwe lanomgangatho ongentla nongezantsi yanemimandla yamanqaku ahambelana nomgangatho ngamnye.
- Ikhrayitheriya yeSakhiwo yona ayichaphazeleki ngumgangatho ongentla nongezantsi.

ISIHLOMELO A: IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU]

Ikhrayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO NOCWANGCISO (Impendulo nezimvo) Ukubelela izimvo ngenjongo yokucwangcisa Ukubonakalisa ukuyazi injongo, abantu ekujoliswa kubo kunye nemeko	28–30 -Impendulo ebalaseleyo enomtsalane, ngaphaya kobekulindlekile -Izimvo zihlakaniphile, zixhokoxa iingcinga kwaye zinemfezeko -Isincoko sibekelwe ngobuchule obungaqhelekanga kwaye intshayelelo, isiqu kwakunye nesiphelo zibonakalisa unamathelwano olunemfezeko	22–24 -Impendulo ixonxwe ngobugcisa obukhulu -Izimvo zinxulumene nomxholo kwaye zinika umdla, bukho ubungqina bemfezeko kwizimvo -Iingcamango zibekelwe ngokwakhelanayo kuquka intshayelelo, isiqu nesiphelo	16–18 -Impendulo iyanelisa ngokupheleleyo -Izimvo ziyanamathelana noko kwaye zingakuguqula ukucinga kofundayo -Iingcamango zibekelwe ngokunamatheleneyo kuquka intshayelelo, isiqu nesiphelo	10–12 -Impendulo ingena iphuma emxholweni akukho lunamathelwano kwizimvo -Izimvo azicacanga kwaye ezinye zazo zezemboleko -Buncinci kakhulu ubungqina bobekelelo nonamathelwano lweengcamango	4–6 -Impendulo ayikho mxholweni konke konke -Izimvo zibondene azingqalanga ntweni -Azivakali izimvo kwaye ziyaphindaphindwa/uthetha into enye -Iingcamango zibekwe xazalala azinalunxibelelwano
	25–27 -Impendulo encamisileyo kodwa akukho zimpawu zakubalaselela kubhekele phi kwisincoko -Izimvo zivuthiwe zixhokoxa iingcinga -Iingcamango zibekelwe zandandaniswa ngobugcisa kuquka intshayelelo, isiqu kunye nesiphelo	19–21 -Impendulo ixonxwe ngobugcisa -Izimvo zisemxholweni kwaye zinika umdla -Sibekelwe ngobuchule, kukho ukunamathelana kweengcamango okuquka intshayelelo, isiqu nesiphelo	13–15 -Impendulo iyanelisa nangona kumana kubakho ukungacaci kwiindawo ezithile -Kukho ukunamathelana okubonakalayo kwizimvo kwaye kuyanelisa -Kukho ukubekelwa kweengcamango nonamathelwano kwintshayelelo, isiqu nesiphelo	7–9 -Impendulo iphumile emxholweni ubukhulu becala -Izimvo ziyaqhawu-qhawuka ziyabhidisa -Buyanqaphazeka ubungqina bokubekelwa kweengcamango nonamathelwano	0–3 -Impendulo itenxile malunga nomxholo -Izimvo zitenzile zingcwecwelela kude nomxholo -Iingcamango ziyingxubevange engenamqalaiselela
30 AMANQAKU					



IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU] (isaqhubeka)

Ikhayitheriya	Balaseleyo	Enobuchule	Phakathi	Buthathaka	Bubhetyebhetye
ULWIMI, ISIMBO & NOKUHLELA Ukuhambelana kwethoni, irejista, isimbo, isigama kunye nemeko Ukhetho-magama Ukusetyenziswa kolwimi nesigama limpawu zobhalo, izakhi zezivakalisi, nopelo	14–15 -Ithoni, irejista, isimbo, isigama zifanelene ngokugqwesileyo nenjongo, abantu ekujoliswe kubo kunye nemeko -Ulwimi lusetyenziswe ngokuzithemba, luyathabathekisa -Ithoni enomtsalane nezafobe zentetho eziphumeza injongo -Phantse kube akukho nasinye isiphene solwakhiwo zivakalisi, upelo nokusetyenziswa kolwimi -Sixonxwe ngobugcisa obukhulu	11–12 -Ithoni, irejista, isimbo, isigama zifanelene kakhulu nenjongo, abantu ekujoliswe kubo kunye nemeko -Ulwimi luchaneke ngakumbi kwaye ithoni isetyenziswe ngokuchaneka kwisincoko siphela -Iziphene zokusetyenziswa kolwimi nopelo zinqongophele -Sixonxwe ngobugcisa obukhulu	8–9 -Ithoni, irejista, isimbo, isigama sifanelene nenjongo, abantu ekujoliswe kubo kunye nemeko -Ulwimi olufanelekileyo ludlulisa umyalezo -Ithoni ifanelekile -Izafobe zentetho zinonga umxholo	5–6 -Ithoni, irejista, isimbo, isigama azifanelananga ncam nenjongo, abantu ekujoliswe kubo kunye nemeko -Ulwimi lusetyenziswa ngendlela ebuthathaka -Ithoni nochongo magama azifanelekanga -Isigama sinqongophele	0–3 -Ulwimi aluvakali -Ithoni, irejista, isimbo, isigama asifanelananga kwaphela nenjongo, abantu ekujoliswe kubo kunye nemeko -Ukunqongophala kwesigama kubaxekile kangangokuba ayinasihlahla into ebhaliweyo
	15 AMANQAKU	13 -Ulwimi luchaneke kanye nezafobe zisetyenziswe ngethoni ephumeza ukudlulisa umyalezo -Phantse kube akukho nasinye isiphene solwakhiwo zivakalisi, upelo, nokusetyenziswa kolwimi -Sixonxwe ngobugcisa obukhulu	10 -Ulwimi lunomtsalane kwaye luyaziphumeza injongo zokubhala -Ithoni ifanelekile kwaye iyaziphumeza injongo zokubhala -Zimbalwa iziphene zezakhi zezivakalisi kunye nopelo -Sixonxwe ngobugcisa	7 -Kuyanelisa ukusetyenziswa kolwimi kodwa asekho amakhwiniba -Ithoni ifanelekile kodwa izafobe zentetho ezisetyenzisiweyo zinqongophele	4 -Ukusetyenziswa kolwimi kubonisa ububhetyebhetye -Izivakalisi zinobuthathaka-azitshintsha-tshintshwa -Isigama sinqongophele ngokubalaseleyo
ISAKHIWO limpawu zetekisi Ukukhula kwemihlathi nokwakhiwa kwezivakalisi	5 Isihloko sikhuliswe ngokuncamisayo -linkukacha zibalasele ngokungaqhelekanga -Izivakalisi, imihlathi zakhiwe zaqiqisiswa ngokugqwesileyo	4 -linkukacha ezinengqiqo zikhuliswe ngokwakhelanayo -Izimvo zinamathelene -Izivakalisi, imihlathi zitshintshatshintshwa ngobuchule obuqiqisisiweyo	3 -linkukacha ezisemxholweni zikhuliswe -Izivakalisi, imihlathi zakhiwe kuhle -Isincoko sibunjiwe ngengqiqo	2 -Zikho iingcamango ezamkelekileyo -Isakhiwo sezivakalisi nesemihlathi sinamakhwiniba -Isincoko sisenayo ingqiqo	0–1 -lingcamango ezifunekayo zinqongophele -Isakhiwo sezivakalisi nesemihlathi sigxoko-gxoko -Isincoko asinangqiqo
	5 AMANQAKU	43–50	33–40	23–30	13–20
UMMANDLA WAMANQAKU					

ISHLOMELO B: IRUBRIKI YOKUHLOLA IMIHLATHI EMIDE– ULWIMI LOKUQALA OLONGEZELELWEYO [30 AMANQAKU]

Ikhrayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO, UCWANGCISO NEFOMATHI Ukungqala kwempendulo nezimvo Ukuqoqwa kwezimvo ngenjongo yokucwangcisa Injongo yokubhala, abo kujoliswe kubo, iimpawu/ingagaqo yetekisi, kunye nemeko	15-18 -Impendulo igqwesile idlule okuqhelekileyo -Izimvo ziqiqisise kwaye zivuthiwe -Luphangalele ulwazi lweempawu zolu didi lwetekisi -Umsebenzi unqalile uhleli emxholweni -Kukho ukunamathelana kwizimvo nomxholo -lingcamango zidakancwe ngobunono zonke iinkcukacha zixhasa isihloko -Ifomathi ifanelekile kwaye ichanekile	11-14 -Impendulo ibonakalisa ukuchaneka kanobom ulwazi olunzulu lweempawu zolu didi lwetekisi -Ingqalile ayiphumi nasemxholweni -Izimvo zixonxwe zadakancwa ngokunamatheleneyo kumxholo nezimvo -linkcukacha zixhasa isihloko -Ifomathi ifanelekile ineendawana ezingachanekanga ezingephi	8-10 -Impendulo iyanelisa ibonakalisa ulwazi lweempawu zolu didi lwetekisi -Izimvo ziyaphuma emxholweni kwaye kukho nokugqwidiza -Ukunamathelana kumxholo nezimvo kufanelekile -Ezinye iinkcukacha zixhasa isihloko -Ifomathi ifanelekile kodwa kusekho ukungachaneki	5-7 -Impendulo ibonakalisa ulwazi olungephi lweempawu zolu didi lwetekisi -Zimbalwa izimvo ezisemxholweni kodwa kuninzi ukuphuma ecaleni -Kunqabile ukunamathelana komxholo nezimvo -Zimbalwa iinkcukacha ezixhasa isihloko -Imigaqo yefomathi ephambili isetyenziswe ngokungaqondi -Kutyeshelwe izinto ezininzi	0-4 -Impendulo ibonakalisa ukunqongophala kolwazi lweempawu zolu didi lwetekisi -Intsingiselo ilahleka rhoqo ide iphume emxholweni -Akukho ukunamathelana kumxholo nezimvo -Zimbalwa kakhulu iinkcukacha ezixhasa isihloko -Imigaqo eyimfuneko yobhalo lwale tekisi ityeshelwe
18 AMANQAKU	10-12	8-9	6-7	4-5	0-3
ULWIMI ISIMBO SOKUBHALA NOKUHELELA Ithoni, irejista, isimbo, injongo/ifuthe, abo kujoliswe kubo kunye nemeko Ukusetyenziswa kolwimi nemigaqo Uchongo magama limpawu zokubhala kunye nopelo	15-18 -Ithoni, irejista, isimbo, isigama zihambelana kakhulu nenjongo nabo kujoliswe kubo kunye nemeko -Izakhi zezivakalisi zisetyenziswe ngokuchanekileyo -Phantse kube akukho nasinye isiphene	11-14 -Ithoni, irejista, isimbo, isigama sichaneke kakhulu malunga nenjongo, abantu ekujoliswe kubo kunye nemeko -Izakhi zezivakalisi zichanekile kwaye umyalezo wakheke kakuhle -Isigama sichanekile -Ubukhulu becala akukho zimpazamo	8-10 -Ithoni, irejista, isimbo, isigama sihambelana nenjongo, abantu ekujoliswe kubo kwakunye nemeko -Izakhi zezivakalisi zibonakalisa iimposiso -Isigama siyanelisa lompazamo zobhalo ezikhoyo aziyiphazamisi intsingiselo nomyalezo	5-7 -Ithoni, irejista, isimbo, nesigama azingqamani ncam nenjongo kwakunye nabantu ekujoliswe kubo kunye nemeko -Izakhi zezivakalisi zineemposiso ezininzi eziphazamisa umyalezo -Sinqongophele isigama -Kukho amagingxi-gingxi kwintsingiselo	0-4 -Ithoni, irejista, isimbo, nesigama azingqamani kwaphela nenjongo, imeko kwakunye nabantu ekujoliswe kubo -Izele ziimpazamo ixazalala -Isigama asifanelananga nenjongo -Intsingiselo ilahleke kakhulu
12 AMANQAKU UMMANDLA WAMANQAKU	25-30	19-23	14-17	9-12	0-7

DEPARTMENT OF BASIC EDUCATION
PRIVATE BAG 9001, PRETORIA 0001
2022 -12- 08
APPROVED MARKING GUIDELINE

ISIHLOMELO C: IRUBRIKI YOKUHLOLA IMIHLATHI EMIFUTSHANE – ULWIMI LOKUQALA OLONGEZELELWEYO [20 AMANQAKU]

Ikhrayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO UKUCWANGCISA NEFOMATHI Impendulo nezimvo Ukubekelwa kwezimvo limpawu zetekisi/ umgaqo kunye nemeko 12 AMANQAKU	10–12 -Impendulo igqwesile ibonisa ukuqitisiswa kwezimvo -Izimvo zihlakaniphile kwaye zivuthiwe -Luphangalele ulwazi lweempawu zolu didi lwetekisi -Umsebenzi unqalile akukho kugqwidiza -Kubonakala ukunamathelana kwizimvo nomxholo -lingcamango zidakancwe ngobunono kwaye zonke iinkcukacha zixhasa isihloko -Ifomathi ifanelekile kwaye ichanekile	8–9 -Impendulo ibonakalisa ukuchaneka kanobom ulwazi olunzulu lweempawu zolu didi lwetekisi -Ingqalile ayiphumi nasemxholweni -Izimvo zixonxwe zadakancwa ngokunamatheleneyo kumxholo nezimvo -Iinkcukacha zixhasa isihloko -Ifomathi ingqalile iindawana ezikhoyo ezingachanekanga aziyiphazamisi injongo yokubhala	6–7 -Impendulo iyanelisa ibonakalisa ulwazi lweempawu zolu didi lwetekisi -Izimvo azisoloko zisemxholweni kwaye kukho nokugqwidiza -Ukunamathelana kumxholo nezimvo kwenzeka ngokufanelekileyo -Ezinye iinkcukacha zixhasa isihloko -Ifomathi ingqalile kodwa zikho iindawana ezingachanekanga	4–5 -Kubonakala ubunzima malunga nolwazi lweempawu zolu didi lwetekisi -Zimbalwa izimvo ezisemxholweni kodwa kuninzi ukuphuma ecaleni -Kunqabile ukunamathelana kumxholo nezimvo -Zimbalwa iinkcukacha ezixhasa isihloko -Imigaqo yefomathi ephambili ityeshelwe okanye isetyenziswe ngokungaqondi	0–3 -Impendulo ibonakalisa ukunqongophala kolwazi lweempawu zolu didi lwetekisi -Intsingiselo ilahleka rhoqo. -Intsingiselo iduka kwisakhiwo esixazalala -Akukho ukunamathelana kumxholo nezimvo -Zimbalwa kakhulu iinkcukacha ezixhasa isihloko -Imigaqo eyimfuneko yobhalo lwale tekisi ityeshelwe
ULWIMI, ISIMBO NOKUHLLELA Ithoni, irejista, isimbo, nesigama singqamene nenjongo kunye nemeko Ukusetyenziswa kolwimi nemigaqo Ukhethe- magama limpawu zokubhala kunye nopelo 8 AMANQAKU	7–8 -Ithoni, irejista, isimbo, isigama zifanelene kakhulu nenjongo, abo kujoliswe kubo kunye nemeko -Izakhi zezivakalisi zisetyenziswe ngokuchanekileyo -Phantse kube akukho nasinye isiphene	5–6 -Ithoni, irejista, isimbo, nesigama sifanelene kakhulu nenjongo, abantu ekujoliswe kubo kunye nemeko -Izakhi zezivakalisi zichanekile kwaye umyalezo wakheke kakuhle -Isigama sichanekile -Ubukhulu becala azikho iimpazamo	4 -Ithoni, irejista, isimbo, isigama sifanelene nenjongo, abantu ekujoliswe kubo kwakunye nemeko -Izakhi zezivakalisi zibonakalisa iimposiso -Isigama siyanelisa -Iimpazamo zobhalo ezikhoyo aziyiphazamisi intsingiselo	3 -Ithoni, irejista, isimbo, nesigama azifanelananga ncam nenjongo, abantu ekujoliswe kubo kunye nemeko -Izakhi zezivakalisi zineemposiso ezininzi eziphazamisa umyalezo -Sinqongophele isigama -Kukho amagingxi-gingxi kwintsingiselo	0–2 -Ithoni, irejista, isimbo, nesigama azifanelananga kwaphela nenjongo, imeko kwakunye nabantu ekujoliswe kubo -Izele ziimpazamo ixazalala iyadida -Isigama asihambelani nenjongo -Intsingiselo ilahlekle kakhulu
8 AMANQAKU UMMANDLA WAMANQAKU	17–20	13–15	10–11	7–8	0–5

DEPARTMENT OF BASIC EDUCATION
 PRIVATE BAG 9389, PRETORIA 0001
 2022 -12- 08
 APPROVED MARKING GUIDELINE
 PUBLIC EXAMINATION